

San Piero di quanto ha fato contra i nimici, che par lui sia stà quello che mandoe a Noal contra, e lui con altri cavalli rimase a certo passo, *ut patet*.

Di Padoa, di provedadori. Come, a hore 22, riceveteno lettere di la conclusion e publication di la liga e si dovesseno far festa e artellarie trar, ecepto fuogi la note, acciò non seguissa qualche disturbo e scandalo, e cussi zonta dita lettera, la publicono *publice* in piazza e tutti con gran jubilo eridando: *Marco, Marco*, e fo sonato campane, e la note trato artellarie, e posto luse per tute le caxe, e li soldati è rimasti molto contenti. *Item*, scriveno si mandi danari per pagar le zente, et hano auto ducati 1000 ch'è uno terzo di quello bisogna a pagar: che pagano et hanno raxon, sono 80 che non hanno auto danari, tal compagnia.

Fu posto per li savii d'acordo, una lettera a Roma a l'orator nostro: come havemo ricevuto le lettere con la publication e capitoli di la liga, e fato far feste, fuogi, e mercore *solemnissime* si publicherà, e ne duol di l'orator yspano habi voluto partirsi e tornar a l'Imperador, al qual li è stà risposto come vederà; et debbi conferir con la Santità dil Pontifice e l'orator yspano, e sollicitar presto si fazi effecti, e nui non mancheremo. *Item*, il campo è atorno Trevixo; non hanno piantato ancora le artellarie. *Item*, li manderemo li danari ne tocha, ringratiando il Papa di la exborsation; *etiam* quelli reverendissimi cardinali ch'è stati piezi, *videlicet* Ragona e Corner; al qual Ragona la Signoria li scrive in bona forma *etiam* a l'arzivescovo di Zara; domino Francesco da Pesaro lo ringratiando, et al cardinal Grimani reverendissimo che savemo la causa non à voluto esser piezo, ma non havessimo soportato l'havesse auto alcun danno, e altre particolarità come in dite lettere si contien. Presa.

Fu posto, per li diti savii, che a domino don Piero De Urea orator yspano qual vol ritornar a la Cesarea maestà, per il Serenissimo li sia risposto in questo modo: come, quando el vene de qui nui el vedessimo volentieri el udito quanto promoveva la Cesarea maestà saria contenta far trieve, e in questo *iterum* si tratasse acordo mediante il Pontifice; che al presente hessendo conclusa liga con la santità dil Papa el Catholico re e quel de Ingaltera e la Signoria nostra, come soa maestà sa, ne li qual capitoli è non si possi far trieva con alcun, però non potemo risponderli *solum* che nui semo di quel medemo voler eramo prima verso soa maestà, et acordarsi con quella e darli quelli capitoli honorati che sempre
48* havemo voluti porzer a soa maestà, e di censo e di

la investitura di le terre nostre; et questa è la risposta. Fu presa.

Fu posto, per li diti savii, certa provision stratioto di ducati al mese a pagé 4 a l'anno, sicome per li provedadori zenerali è stà promesso; et fu presa.

Et veneno zoso Pregadi a bona hora, e rimase il Colegio, e vene per barcha dito orator yspano, e li fo fato la risposta per il Principe, et la sera si parti con barcha di peota fino a Portogruer, preparata per la Signoria nostra.

Fo fato erida a San Marco e Rialto, da parte di cai dil Conseio di X, che niun, soto pena di la forcha, debbi romper balconi, porte, botege, ni alcuna altra cossa per far fuogo, e non si fazi fuogo in l'ixola di San Marco e di Rialto.

Et cussi la sera, fu fato luse in campanieli a San Marco di ferali, e per li altri con lumiere atorno il palazzo e su la chiesa di San Marco, e non fuogi su la piazza; *etiam* a San Zorzi dal legato, e in campaniel e altrove per li altri campi di le contrade fu fato fuogi, sonando campane, e in campaniel di San Marco erano trombe e pifari che sonavano. Et non voglio *etiam* qui restar di visentini in più lochi in caxa di principali feno quelli cesendeli di carta a la romana, over ferali su li balconi, e il Chie-regato a Santa Maria Formosa, come ho scritto, et a San Lio domino Simon da Porto cavalier, et in altri lochi, che era una gran bellezza a veder. In conclusion, visentini hanno auto grandissima alegrezza. Et acciò in Rialto, dove è le volte, non seguisse qualche disturbo, fu posto gran guardia di homeni armati soto li capitani di Rialto, quali erano su el ponte. *Item*, tutti 6 signori di note con li soi oficiali erano in piazza di San Marco, e li capitani dil Conseio di X di le banche con homeni in hordine. *Tamen* non segui alcun remor, come eri sera.

Nota: in questo zorno, come referi sier Thomà Michiel qu. sier Zuan Mathio venuto di Campo Nogara soto il Piovà, che li è alozati alcuni cavalli di la compagnia dil Baion, et hanno preso uno vilan di Ronchiate spion de i nimici, mandato apostà a veder quanti cavali sono e riferir ogni cossa a i nimici; qual examinato per essi soldati, come era *etiam* uno altro compagno mandato a questo effetto, senza dir altro, lo hanno apichato a uno arboro, e questo è certo

Et in questa sera, vene lettere di Roma di l'orator, di 9. Come il Papa havia fato zurar a tuti li cardinali che in vita et in morte mantegneriano li capitoli di la liga. *Item*, che è lettere di Napoli per